

四庫全書存目叢書編纂委員會編

齊魯書社

四庫全書存目叢書

集部
第三三冊



責任編輯：孫言誠 賀 偉

ISBN 7-5333-0615-5



9 787533 306151 >

EB47/07

四庫全書存目叢書·集部三三

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 37.75 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第三三冊目次

集部·別集類

尚約文鈔十二卷附錄一卷

〔明〕蕭鋹撰
江西省圖書館藏清光緒三十一年蕭氏趣園刻本

..... 一

淡軒稿十二卷補遺一卷

〔明〕林文撰
莆田縣圖書館福建省圖書館藏明嘉靖四十五年林炳章刻民國重修本（張琴鈔補）

..... 一六九

吳竹坡先生文集五卷附載一卷詩集二十八卷

〔明〕吳節撰
浙江圖書館藏清雍正三年吳琦刻本

..... 三二五

尚約文鈔十二卷附錄一卷

〔明〕蕭鑑撰

江西省圖書館藏清光緒三十一年蕭氏趣

園刻本

附《四庫全書總目·尚約居士

集無卷數》提要

原序

皇朝文獻盛於江西濬總角時瓊多寓公每
承樂以來文物之盛一時館閣儒紳多吉郡人而西
昌爲尤著正統戊辰濬試禮部下第首見大司成蕭
先生於太學先生西昌人也濬時雜諸生中季試先
生得所作特召以見且加獎勵已巳之變先生恆夜
集諸生於燕居之堂論及時事輒憂形於色濬時發
一言先生輒首肯公卿間有詢及諸生者先生必斥
名以過譽歲辛未又試禮部不利南歸甲戌復來先
生已陞秩入內閣參預大政是歲濬叨登進士第選
入翰林讀中秘書又明年擢任史官以諸生厠迹門
下每有述作先生見之輒過爲稱許因延譽公卿間
天順改元先生南歸家居歲甲申捐館舍今二十有
五年矣季子昉以膺貢來京師得和門司訓將之任
以先生遺稿見屬爲序嗚呼先生不可得而見矣今
見其遺文如侍先生左右親睹其德容而聞其警駭
然瞻思之頃恍惚若在前後而卒不可復見方且嗚
咽哀慕之不暇又焉能爲之言哉雖然天下士出先

尚約文鈔原序

生門者多矣今所餘無幾而潛獨幸後死又受知最深所以永先生之傳於不朽者其責實在潛焉於是乎投淚而序之曰嗟乎人生天地間具形與氣形動而爲威儀氣出而爲言辭人死則威儀隨形漸盡惟言也者宣於其心發於其氣著而爲辭彰載於簡冊而長留於天地之間千萬年而不朽觀其述可以得其心因其言可以知其世先生生於洪武長於永樂仕於宣德正統之間而大用於景泰是時氣化隆治人心淳樸猶未至澆漓一時士夫制行立言類以質

尙約文鈔

原序

直忠厚明白正大爲尙而不爲睚眦側媚之態浮誕奇崛之辭先生稟純篤之性處和平之世平生爲人凡立心行己涖官臨事如其爲文其人不可見已見其文如見其人然潛起自遠方一見先生卽待以殊禮所以開發成就之者雖燕國公之於子壽六一公之於子瞻不是過也潛雖不足上擬古人而先生所以陶鑄後進者方之二公實無愧焉先生之詩文皆有爲而作達意而止質實之中而有自然文彩醇然其無滓澤如其無類淡乎其有餘味得孔子從先進

之意噫世無復斯人亦無復斯文矣先生諱鑑字孟勤官至太子少師戶部尙書兼翰林院學士既老自號尙約居士云

賜進士第禮部尙書掌詹事府事國史副總裁門人瓊山邱濬

尙約文鈔

原序

三

尙約文鈔

目錄

卷一

疏六首

表一首

賦一首

箴一首

說一首

卷二

記十三首

記十一首

卷四

序二十一首

序二十七首

尙約文鈔

目錄

卷六

序十六首

跋十八首

卷八

傳八首

贊十六首

哀辭一首

卷九

墓表十五首

墓誌銘八首

卷十一

墓誌銘十五首

古近體詩三十二首

尙約文鈔目錄終

尙約文鈔卷一

明泰和蕭 鑑孟勤著

宗後學上田敦政校刊

疏

乞致仕疏

景泰三年六月初三日

臣本乏學識誤蒙天地厚恩萬一莫報凡有所知敢不盡言臣竊見今歲六月初一朔旦日食謹按春秋之書日食或妾婦乘其夫或臣子背君父或政權在臣下或夷狄侵中國皆陽微陰盛之證而胡安國以爲日者眾陽之宗人君之象克謹天戒則雖有其象而無其事若不畏天則必召災天之示人可謂顯矣伏惟皇上以神聖之德居至尊之位削平僭亂中興邦家踐祚以來勤於宵旰董正治官選賢任能恢弘治理而又進講經筵以求帝王爲治之道大開言路以通天下幽隱之情圖治之心可謂切矣夫何上天告戒不一而足今春上星恆近日太白晝見今又日食於朔日視朝之時夫豈無故而然哉其必庶官失理紀綱不振法度廢弛大政乖缺而致然也況今胡

虜日近邊境入寇爲患不言可知且天心眷愛人主
凡有災祥必先示之以兆欲其修德以圖承天休保
無疆之治也臣伏望皇上思祖宗付託之重念繼體
守成之難因天告戒惕然恐懼減膳撤樂避御正殿
廣求直言倘已有過則速改之更加嚴畏復召詞臣
講求所以敬天法祖保邦致治安邊禦寇之要君臣
同心無事虛文務敦實行見諸事功則天變可消人
心自服國治兵強夷狄之禍不足慮矣臣見今春星
變之異亦嘗上言求退朝廷未允其請而又寵承拔
擢自愧才識疏略捐軀莫報上孤天恩下招眾議雖
天地之量曲爲包容而犬馬之心誠不自安乞將臣
先行黜罷放歸田畝以答天意以謝天下然後陛下
慎簡中外賢才以資任使以召天地之和以開萬載
太平之治不勝幸甚

軍政疏 景泰四年六月初十日

臣竊惟兵者國之大事所以防姦而禦侮保泰而安
民然軍必有將將者三軍之司命也兵法有大將有
萬人之將有千人之將有百人之將要使小大之任

尙約文鈔 卷一 疏

二

各得其人然後調度之際克濟乃事國朝用兵之制
一本古法而參之以時宜一軍之中有總兵有左右
副總兵有參將又有坐營把總管隊等官往往擇人
以任之蓋欲防姦禦侮保泰安民者也近年以來承
平日久兵備懈弛總兵乏統馭之才偏裨失遴選之
道其把總管隊等官多有貪緣冒進菲才濫充以致
士氣不揚戰陣無勇甚則貪圖賄賂剝削官軍視兵
政如等閒與士卒爲仇敵失利償事職此之由邇者
恭親皇上繼承大統赫然奮發思刈羣盜附眾強兵
果勅在京總督總兵等官留意訓練官軍從公揀任
將士于謙唐總督之任石亨任總兵之職理合祇奉
德意即將各營把總等項官員分別賢否具奏黜陟
遴選至公堪把總者令爲把總堪管隊者任以管隊
照依先前定擬用心提督操練不許徇情作弊因而
輕易動那以後遇有事故陞調等項應合選人代替
如有私自那移委用者宜飭總督總兵官指實參奏
拏問治以重罪庶使體統不紊而任用得人武備修
舉而邊事不悞矣緣係處置軍務理合具題伏乞聖

尙約文鈔 卷一 疏

三

裁

陳時務疏 景泰四年六月 日

臣竊見保國之要莫先於武備安民之務必急於禦寇武備修則國家寧謐虜寇息則黔黎樂業國泰民安則天下和平矣邇者胡寇逞凶入京畿恣爲剽掠被其荼毒人皆痛切今雖附順而猖獗之勢暫息覲覲之心猶存將欲緩其師懈其兵也得乎孫子曰無約而請和者謀也又曰用兵之法無恃其不來恃吾有以待之無恃其不攻恃吾有所不可攻也吳略曰

尙約文鈔

卷一 疏

四

君子於安平之世刀劍不離其身所以居安慮危治平防盜之故爲今之計當堅甲利兵深溝高壘儲糧練士秣馬養銳嚴飭防備及用行間則寇可息此備禦切要事情合亟具題伏乞聖裁

論武備疏 景泰四年七月二十七日

竊見南京爲國家根本重地武備不可不修其地前有大江戰守之策操江爲上是以洪武年間設立濟川江淮二衛官軍專一駕駛快馬船隻操習水戰以壯國威以防外侮永樂年間因建北京惟命都督等

官把總練習遇有一應供用北京之物始定輪流差撥運送當時事有所統船隻堅完加以軍夫整齊差使均平故人心悅服近年以來把總之官或因保取別用或因事故不存船隻朽爛軍夫逃亡操江之事有名無實運送官物不能無誤況濟川江淮二處軍旅多係湖廣江西等處人民中間多有親管官員作弊指以令回原籍修造爲由一放夫船經二三年不赴衛者見在夫船代當差使絡繹不絕勞逸不均不惟軍伍空缺抑且虧損官物有悞上供深爲未便乞

尙約文鈔

卷一 疏

五

勅該部行令南京參贊機務等官兵部尙書徐琦寧遠伯任禮都御史張純等官計議講求操江之策仍於濟川江淮二衛中推選謀勇廉勤能幹指揮或都總揮一員專一把總操江修理船隻整飭軍務庶實有所歸供應不致誤事威武振揚根本安固事關供修武備冒昧奏聞不勝俟命之至

現按以上各疏篇末俱有歲月及批答之上諭以其無關宏旨且與文集體例亦不甚合故附歲月於題下而餘悉皆從省云

陳時政疏

臣聞言之逆耳者惟聖君乃能聽事之難言者非直臣不敢言然上有仁聖之君斯下有盡言之臣三代以上莫聖於帝舜而伯益猶以淫佚怠荒爲戒三代而下莫聖於太宗而魏徵尤以十漸不終爲規方今陛下日月之明天地之量智周萬物而求諫常恐不及憂及困窮而從善有如轉圜是有納言之君又遇可言之時愚臣又豈敢緘默而不吐露心腹也哉然臣之所欲言者惟願陛下戒侈靡以節民力勤政治而謹嗜慾任舊德而務正學而已伏睹陛下初登寶位渙發德音大赦天下首命庶官薦舉賢能恩澤所加遠近無間羣臣鼓舞於朝萬物條暢於野所謂聖人感人心而天下和平者此其效也夫何卽位未幾三年而土木遽興雖茅茨土階非今日之所宜而峻宇雕牆亦前聖之所戒昔漢文帝欲作露臺召匠計之費直百金帝曰百金中人十家之產也何以臺爲以文帝之富貫朽粟陳於百金尙且惜之陛下何不惜千金之費而欲撤已成之宮以更新乎唐太宗常有氣疾百官以大內卑溼請營一閣以居帝憚煩

勞而不之許以太宗之治斗粟三錢於一閭尙慮擾民陛下何不愛萬民之力而取材木於遠方乎矧後宮創制本乎太宗皇帝之宏規模素弘堅同乎堯階禹宮之儉約傳之萬世可無震凌太宗皇帝既任其勞於前陛下當守其成於後雖當改者猶宜不改未可改者豈宜更變乎臣之所以願陛下戒侈靡而節民力者此也自古帝王未有不以勤而興以逸而廢書曰自朝至於日中昃不遑暇食此文王之所以勤政也我太祖皇帝在位三十餘年未嘗見日而臨百官今或東方已期朝鼓初聞旭日已且朝儀方肅似非古人庭燎待賢之意也若謂四方無虞可以從容於殿陛則民情可畏大獄蠲興誠臥不安席之時也若謂天下乂安可以優游於庶政則飛蝗蔽天民食窘乏誠戰兢惕勵之日也雖安不忘危治必思亂猶恐患生於所忽尙何可一息之或怠乎臣之所以願陛下勤政治而謹嗜慾者此也仲虺告成湯曰能自得師者王傳說告高宗曰惟學遜志務時敏是古昔人君未有不學者也然帝王之學豈效儒生尋章摘

句哉程子有言一日之間接賢士大夫之時多親宦
官宮妾之時少則自然氣質變化德器成就臣願陛
下於萬幾之暇進舊德之臣以侍左右以備顧問講
求帝王經世之要古今治亂之由則惟精惟一遵路
遵道逸樂無益之事無自而萌芽佛老異端之說無
由而眩惑矣臣之所以願陛下任舊德而務正學者
此也臣荷國恩備員內侍久欲有言恐冒天威思之
累日不敢驟進然犬馬思報效之誠當不辭直言之
罪謹具所聞瀆啓聖聰已往者雖不可追而方來者

齊野文鈔

卷一

疏

九

尤所當謹願陛下審而思之擇善是從追大禹之克
勤師成湯之不吝教崇節儉與民休息則太平之基
將與天下同悠久矣臣誠愚昧罪當萬死伏願陛下
矜其情而赦其罪使後來者得以盡其言則天下幸甚
現按是篇與同邑尹宮允前卷遺稿中之諫修後
宮疏首尾無殊惟尹疏中稱臣所欲言者惟願陛
下節民力謹諸慾勤政治務正學而已以故中列
四段而此篇則分三段合勤政治諸慾爲一條
較之尹疏少第二段凡二百二十餘字其餘字句
間有不同而詞意究無稍異疑先生曾鈔尹疏漏
未標名而子孫以爲已作編集時未加考訂遺爾
屏入亦未可知觀以前各疏篇末俱有年月及奉
聖旨云云而此篇獨無是亦一證近聞安福李忠
文公時勉古廉集中亦載是疏豈亦由編集時疏

忽之所致歟足見集須自編并預戒後人
集外之作不得任意採錄庶免此失耳

陳易儲疏

臣聞人事順其序則天地安其常人事失其宜則天
地示其變此休咎之明徵古今之通驗也粵自三代
以來授位之命順序爲正故其時陰陽調氣化洽羣
生和萬物育三代而下近侍擅權奸臣希寵故其時
或日月薄蝕或星隕如雨或地震如雷凡若此者非
天運之使然實人事之所召也欽惟陛下以仁聖之
資紹承大統宵衣旰食勵精圖治體禹湯文武之心

尚約文鈔

卷一

疏

九

然嘉祥未集地震先見天變若此寧無所致哉誠以
變不虛生妖不妄興也夫天道健而動者陽之義君
之象地道柔而靜者陰之義臣之象陽伏而不能舒
陰熾而不能抑於是地震焉今皇太子正位東宮
宗社生民之主君之義陽之象也屬廣西土官司都
指揮黃竑希恩寵馳奏請上立己子爲皇太子奏至
命中貴傳示百官寧非陽伏而陰熾乎連旬地震如
雷舉朝駭愕正所謂人事失宜天地示變者此也矧
無易樹子霸者所禁堂堂天朝廢置若是得無啓天

下後世之議乎願陛下崇陽抑陰以回天鑒不愆不忘率由三代舊章禹之授位於啓無論矣若成湯未立太丁而外丙仲壬之後仍復太甲太甲即太丁之子也武王之後成王幼冲周公監國而輔道之周公曾立己子爲皇太子乎伏願陛下毋聽黃竝之言立寢易儲之念庶幾紹殷周之統緒嗣三代之雅化成憲聿遵宗社莫安人事順序天地安常則天下幸甚萬世幸甚

現按此篇與詩巷遺稿之地震疏前半亦皆無殊及至於是篇有地震焉句下此篇接以今皇太子正

尙約文錄 卷一 表

位東宮云云而尹疏則接以今陛下欲升六部而京師地大震是陰威陽微奸臣專制之有其漸云云不特與首段奸臣擅權意緊相呼應即核之明史尹傳所謂未幾以地震上言謫福寧知縣者亦相符合若先生之疏重在易儲似不待地震而始諫矧先生誌陳芳洲少保墓有云廣西土官黃竝希恩寵請上立己子爲皇太子奏至未發遣中官以茲疏覘公等公曰無易樹子霸者所禁堂有天朝得無啓天下後世之譏乎上怒曰自古父有天下傳之於子未聞有議者遂出茲奏示百官令會議以聞然則當日日本口舌所爭未嘗形諸奏牘灼然無疑不特篇末無歲月及批答之論也理應刪除第緣此篇與官允二疏俱載邑志藝文內恐後人疑爲遺漏故仍之而辯證於茲以社闕者之惑云

表

命釋奠先師謝表 正統十三年八月初三日

伏以聖主隆師興上丁之秩禮小臣承帝舉令甲之鴻儀溫綸鳳拜於明堂文範肅將於禮殿願慙弗稱感激良深仰惟皇上德奉三無功參二極恢弘化理經緯人文天載無聲幹神機於不測道心惟一入聖域而獨優學識作人庠校日新於多士齊莊恭已藝牆時見於先師文廟肇朔旦之成規太學謹春秋之盛典臣謬緣成均祇奉王言學俎豆而未能豈堪小相儼冠裳之有翼恐負聖恩自生民以來六經垂憲莫感於聖由列祖而上五禮和衷莫備於斯惟孔子集羣聖之大成惟皇上冠百王而首出神乎曠代明薦宣時願大人興禮樂之期宜辨賢而序事矧天子建中和之極多經武而秉文將命爲榮詎意凡庸之忝竊得門或寡仰瞻高美以凌兢敢不嚴惟寵命懷見聖克由之心欽若休光勵事君勿欺之訓伏願帝懷明德天保聖躬作君作師五典弘敷於四海遵義遵道兆民永賴於萬年

尙約文錄 卷一 表

賦

世直堂賦 有序

翰林侍讀吉水周功敘先生示予以世直堂事蓋其六世伯祖伯寬仕宋直實謨閣力詆賈似道姦邪又約左史徐麟仲共言之不報竟去會祖以立元至正間由鄉貢被薦入館閣與修宋遼金史上書嘗以宋爲正統附載遼金事大臣不能用罷歸尊府員外公岐鳳國朝永樂中嘗爲漢王府紀善王有奪嫡意作寶賢堂引用匪人公獻箴切諫王怒誣以他事被黜之三君子所存者直道所進者直言雖皆不見用而凜然爲綱常之重祖孫奕世克濟厥美豈多得哉先生亦嘗有言於朝矣幸見嘉納則又有光於世直也其爲堂於斯匪徒彰前人亦用以啓厥後也予覽其事而起敬輒爲賦之其辭曰

繁文江之仁里兮在昔著序礪洲惟茲有堂而肇考兮迺愛度而爰謀垣墉塗而不畫兮節稅摩而不雕匪鼻鬼而崢嶸兮亦瓊玲而樛流楣蘭若之芬芳兮戶辟荔之綢繆挾光景以四時兮滌埃壘而觀幽豈

尚約文鈔

卷一

賦

三

於焉遊佚以康娛兮於以景仰乎前修嗟汝南之遙胄兮歷季宋而嗣興當寶謨之直閣兮憤未展其修能慙儉人之柄國兮噫皇路之險傾謨忠賢而任佞兮昵詭譎而遠貞叩天關以陳言兮孰揆余之中情冀左史之可語兮復申章而致誠既忠告而莫我信兮遄歛衽其長征宋改命而元受兮邇文獻之是徵創三史之纂修兮議正朔之相承曰大宋禮義之邦兮豈遼金之可方波流靡靡而忘返兮慨正閭之不明懿寶謨之文孫兮列石渠之羣英抗正統以歷陳兮簪簪數其綱常彼呢訾以脂韋兮邇謂余言爲狂悲哉時不可爲兮聊稅駕庠故鄉荃再葉而繼休兮亦幸遭庠治世僚藩國以司諫兮謂可伸其夙志何彼惛而不知兮羌違常而覲異背繩以追曲兮耿余衷之佗僚高楚元之穆生兮故昌邑之龔遂假寶賢以獻箴兮奈何圖鑒而方枘盡吾職以事人兮雖斥遠其猶未悔嗟惟祖孫之承藉兮式雪仍於奕世遵一轍而不改其故兮歷困踣而弗替夫帝降之渾全兮固徑直而不同吾能養其浩然兮將塞天地貫金

尚約文鈔

卷一

賦

三

石而弗墮使道義不充而餒兮寧不骭骭而喔咿偉
周氏三夫子兮挺直節而蹈危前者作而後者率兮
懷風烈之在茲仰世美而垂裕兮瞻斯堂而載思亂
曰堪輿淑氣於維直兮君子秉之致臣職兮彼昧不
能此世式兮明揭日月聲輝赫兮有構斯堂惟民則
兮嗟嗟子孫長無數兮

箴

默齋箴

翰林檢討曾君暹明晉以博士居太學有年矣嘗

尚約文鈔

卷一 箴 箴

古

名其游息之齋曰默士大夫從而爲說和之余獨
以謂不然默雖孔子嘗云而用於所宜弗專尙也
不曰言未及之而言謂之躁言及之而不言謂之
隱乎彼金人之銘有所激而爲之也是故躁固不
可隱亦不可二者均之不可欲專主於默得乎唏
使曾君多言邪矯而正之可也曾君飭身修行非
法不出諸口又從而潰告之是以常人待之也然
則曷爲而名齋邪用於所宜而已矣爲之箴曰
洪範五事其二曰言機發於中匪言曷宣孰俾多言

說

李氏二子字說

太僕寺丞李君庭修嘗名其子曰邁名其弟庭明之
子曰邁二子者旣冠賓爲之字邁曰種德邁曰紹德
李君欲有以勉之也間邁乎請爲說焉問其所以名
字之者乃曰邁字種德取書大禹謨篇卑陶邁種德

尚約文鈔

卷一 箴 說

五

之義邁字紹德取康誥祗邁乃文考紹聞衣德言之
義噲若李君者可謂善訓其子者矣邁說者以謂勇
往力行之意而邁之爲言述也物之可種者多矣力
稼穡則黍稷重穰之出於畎畝者皆可食也勤封植
則梗梓豫章之產於邱陵者皆可材也而卑陶之所
種者在德焉事之當紹者亦多矣考作室則吾之所
以肯構肯堂者不可後也厥父舊則吾之所以肯播
肯穫者不可緩也而康叔之所紹者亦在德焉然則
邁乎其思所以種德哉邁乎其思所以紹德哉德也

者聖賢之所有亦吾之所同有者也前人之所得亦我之所同得者也充之而爲仁執之而爲義文之而爲禮樂體之而爲孝弟忠信大而軒天地揭日月微而黃金石感豚魚無不之矣是故種種此者也紹紹此者也適而不務乎此則所種者或蕒稗矣適而不務乎此則所紹者非箕裘矣適也通也其亦知所務哉李君以書經登進士第歷中書九載遷今職而其尊府尙經先生受封敕壽考於家二子者既有高明祖父作之於前而君又倦倦圖有以勉之者如此得

尙約文鈔

卷一

大

不顧名思義而思所以自易乎誠於是易之異日煌然光李君之訓而充厥宗者必種德紹德也已

尙約文鈔卷一終

尙約文鈔卷二

明泰和蕭 鐵孟勤著

宗後學上田敷政校刊

記

謹思堂記

少傳抑菴王公嘗於其官居治燕息之所曰謹思間命鐵爲記而述其所以名之之義曰昔先公以瓊守來京請老時因謂某吾欲有所屬計汝能行者以之言其最當謹者凡三事此三者吾平生所慎重而不

尙約文鈔

卷二

一

敢忽者也爾必識之勿忘蓋先公之沒幾五十年而某所以念慮者未嘗一日少間幸遭逢列聖勉效職業得以寡過至於今豈某之所能實先公之教也幸爲我記之不獨識區區之私且俾王氏子若孫知某所以致有今日者非苟焉而得甚矣公之克邁先訓也天下之理具於心而發於思然所謂思者有謹焉有不謹焉大而天地日月陰陽寒暑之變小而日用飲食起處動作之故遠而九州四海蠻夷荒忽水土習俗之宜近而君臣父子夫婦昆弟賓主之道雖皆

吾心所固有然昧之而弗思思之而弗謹則發於其事見於其政未有不乖舛錯繆而爲人所疵議者矣況體於身行於己最切而要如太守公所屬者其得不謹思也哉馳車羊腸雖危無傷也而康莊或至於顛覆操舟三峽雖險不患也而安流或至於覆溺何則謹與不謹異也鐵自弱冠以鄉後進得接公於家既而舉進士以親故獲假館公所最後入翰林以僚屬日往還侍公左右聆其言無一不當於理考其行建於所言者蓋寡也且歷事五朝官躋保傅所陳謀猷約文鈔

卷二 記

二

猷措諸事業未嘗幾微踰矩度之外何莫非謹思所致哉其所以承明天子恩眷久而不替偉然爲當代老成人宜也獨念公於今已八表在常情處之宜自暇逸之時而猶拳拳服行先訓不稍怠豈誠有不足邪無他衛武公行年九十有五猶不忘儆戒作抑詩使人日誦於其側孔子錄之至今傳焉蓋公之心卽武公之心也然則斯堂也凡在鄉邑者所當聞風興起況王氏之子若孫其得不敬念之哉用敢以所聞於公者次第其說以塞命若夫武公之云尙有待世

之傑然者顧鐵何人奚敢與於是

壽親堂記

福建參議吉水鄧君履純母黃氏宋宜人今年壽九十有一君以公務來京師間過余請曰吾母年耄矣而吾縻祿遠方不得侍朝夕於心歉焉茲欲請於朝歸休林下治一室扁曰壽親日致養其中幸吾母益隆壽考而吾得盡菽水之歡以樂天年雖三公之貴不願易也可爲我記之余曰君以磊落之材受方面之寄方當推其膏澤下於民以答明天子之寵命而未及致仕之期乃浩然以其私求去請之將不允請而允之余記無難者君竟以情告上果不允下之吏部吏部以君走訴再四情詞懇惻代爲力請乃允之遂速余記余不得辭焉嗟夫人子愛親孰不欲其壽而得之者恆尠也先王制禮八十常珍者一子不從政九十飲食不違寢者其家不從政蓋禮緣情制其厚於老者如此夫壽至九十則得之者益尠宜人子於禮無或敢違也而世之仕或溺於利欲而不言或有所顧忌不敢言又或有言之而不見聽者焉夫言

尙約文鈔 卷二 記

三

之而不聽固末如之何也有所顧忌不敢言猶可以情恕彼溺於利欲而不言抑獨何心哉今君當顯融之時乃能謹於禮制決然求去以爲其親壽係君子視之固理之當然者以人情言之其亦可謂難矣君之歸錦衣輝煌日奉甘旨而慈顏怡愉益衍其壽於期頤族姻見者莫不嘖嘖稱歎誠子孫以君之壽於親者爲法余不知今之世有此者幾何人哉故特爲記之以爲茲堂慶君能毋忘求去之意以致夫愛日之誠則余言不爲溢美矣

尙約文鈔

卷二 記

四

一初堂記

監察御史左君鼎嘗率族人於其始祖之墓構屋數十楹顏之曰一初之堂蓋因其先世嘗有欲作亭鐫譜於此取蘇文公譜引之說以爲名而又有作來山書院爲始祖祠且爲歲旦祭掃期會之所者遂斥其故址以爲此堂其左室則俟饌譜於其中以畢作亭之意其右室則以待族子弟之游學者以廣書院之規而歲時會祭墓下則序坐於堂之中合而顏之以昔之亭名者所以繼先志也至是援例展祭將還屬

爲記按左之先本丹陽人南唐時有諱鄭者徙永新之逢橋是爲左氏初祖卒葬里之坎塘山則堂之所在也鄭三子曰璩曰琰曰璵歷宋元迄今廿四世矣其出而仕者璵之後五十有六璵之後三十有五璵之後三十有二其間舉進士者十有六領鄉薦者三十四試三舍者六應童科者十有三死王事祠於學者三刲股表閭者一蓋其曳青紫享祿秩於時者踵相接而以學行表儀於鄉者尤多以故相傳有逢橋八百左之號其感如此然其初本鄭一人也宋紹熙

尙約文鈔

卷二 記

五

中作譜者攸縣尉曰利見至其曾孫敬子始以譜錄諸梓而欲作亭者承事郎監萍鄉州務賓孫也書院不知其所始欲復修葺之且欲割田以供祀而未如其志者鄉貢進士譜詠也正統壬戌君與族姪輔同第進士明年同拜御史以憂還於是與其兄穀蘭暨族姪率性邦新與凡族人之尙義者拜掃墓下慨然興水木本源之念於是堂爲之構焉然則君可謂知所重矣夫以一人之身離而至於百千人漠然慶弔不相赴此蘇文公所以嘆也惟仁人君子興起其間